

ЛЕНИН'Я

ВКП(б)-лэн УАССР-ысь Вавожской райкомезлэн но райсоветлэн органы

1940 ар
четверг
12 декабря
№ 77 (618)

8-тй арзэ потэ

Ленинско-сталинской политической деятелен луоно

Туннэ кунь ар тырме СССР-лэн Верховной Советаз быр'ён нуналысен. Ленинлэн—Сталинлэн партиез котыре туж зол огазеяськыса, 1937 арын 12 декабре, Сталинской Конституциялэн основаез вылын, советской калык бадзым единствоен бырийз СССР лэсь Верховной Советэс.

Вань калыклэн праздникез азын—кунь ар талэсь азыло, 11 декабре асьмелэн яратоно вождьмы но дышетйсьмы великой Сталин вераз аслэсьтыз предвыборной речьёс. Яркыт но мудрой речез кылэз быдэсак асьмелэн странама. Сталин эш аслаз речаз туж яркыт возматйз калыклэн избраникезлэсь тусбуйзэ, социалистической обществолэсь политической деятельзэ.

Со вераз, что... „Избирательёс, калык ас депутат'ёссылэсь требовать кароно луэ, чтобы соос (депутат'ёс) ас задачаоссылэн высотаызы мед кылэзы, чтобы соос ас ужазы политической обывательёслэн уровеньзы дорозь медам лэзиске, чтобы соос ленинской типлэн политической деятельёсылэн постаз мед кылэзы, чтобы соос сыче ик ясной но определенной деятельёс мед луозы; кыче вал Ленин, чтобы соос бойын сыче ик бесстрашноесь но калыклэн враг'ёсызы беспощадноесь мед луозы, кыче вал Ленин, чтобы соос свободноесь мед луозы котыкыче паникалэсь, паникалэн котыкыче подобиезлэсь, куке уж осложнятьса кариськыны кутске но горизонтын кыче ке опасность вырисовываться кариське, чтобы соос паникалэн котыкыче подобиезлэсь озы ик свободноесь мед луозы, кызы свободноной вал Ленин чтобы соос озы ик мед луозы мудроесь но веторопливоесь, сложной вопрос'ёсты решить карон дыр'я, кытын кулэ всесторонней ориентация но всесторонней учёт вань плюс'ёсты но минус'ёсты, кыче вал Ленин, чтобы соос озы ик правдивоесь но честноесь мед луозы, кыче вал Ленин, чтобы соос ас калыксэ озы ик мед яратозы, кызы сое яратйз Ленин“...

Кунь ар ортчиз Сталин эшлэн предвыборной собраниян верам речез бере. Ленинлэн—Сталинлэн партиезлэн кивалтэм улсаз асьмелэн советской родинамы социализм лэсьто-

нын кыдэке азылань мыйз. Социалистической государствомы нуналмысь золеме, странамаылэн международной авторитетэз азинлыко юлма.

Асьме родинамылэн калыкезлэн дружбаез юлма но юлма, 193 миллион советской калык яратэ аслэсьтыз родиназэ. Рабочийёс, крестьян'ёс, интеллигенция асьсэлэн большевистской партизылы, коммунизмлэн ужезлы преданноесь. Асьмелэн калыкмы тодэ, что солы сюрес возматэ Маркс лэн—Энгельс лэн—Ленин лэн—Сталин лэн идеязы.

СССР-лэн, союзной, автономной республикаослэн Верховной Совет'ёсазы быр'ён дыр'я коммунист'ёслэн но беспартийнойёслэн блоксы vormиз.

Орчись ар Советской Союзлэн внешней политикаезлэн синмаськымон vormон'ёсызлэн аренызы вал. СССР но Румыния куспын конфликт мирной амалэн разрешить каремын. Бессарабия, кудаэ 22 ар талэсь азыло Советской Россилэсь румынской бояр'ёс кужмысь талазы, огазеямын Молдавской ССР-эн, Буковиналэн уйпал люкетэз, кытын улйз украинской калык, озы ик Бессарабилэн кудогез уезд'ёсыз, Украинской ССР-лэн составаз пыризы.

Литваысь, Латвияысь но Эстонияысь трудящийёс, империалист'ёслы вузаськем буржуазной правительёссэ сэрпалтыса, огмылкыдысь провозгласить карызы советской власть но огазеяськызы великой Советской Союзлэн калык'ёсызлэн семьяызы.

Юнматэмын асьмелэн северо-западной границамы. Доблестной Рабоче-Крестьянской Красной Армия сётйз решительной пезьдэт белофинской бандаослы, куд'ёсыз туртско вал Совет'ёслэн страназылэсь священной границаосэ тйяны.

Виль союзной республикаосын мынэ бадзым созида-тельной уж. Социализмлэн странаезлэн виль гражданин'ёсыз Сталинской Конституци-лэн вань благоосыныз пользоваться карисько, лэсьто шудо, шулдыр улон. Тодмань луонтэм воштйськыз Украина лэн но Белоруссия лэн западной областьёссылэн туссы.



Чагор селоысь (Черновицкой сельской район) неполной средней школалэн директорез комсомолка Г. М. Лавренко крестьянкаослы избирательной кампанилэн кутско-нэз сярэсь СССР-лэн Верховной Советэзлэн Президиумезлэсь Указзэ лыдэ.

Фотоэз Я. Давидзонлэн.

ТАСС-лэн Фотоэз.

Бырийськон азын егит'ёслэн собранизы

Черновицы. Черновицыысь егит'ёслэн ортчиз общегородской собранизы. Филармонилэн корказ люкаськызы куать сюлэсь уно егит'ёс. СССР-лэн но Украинской ССР-лэн Верховной Совет'ёсазы депутат'ёсты быр'ён'ёс но егит избирательёслэн задачаоссы сярэсь доклад лэсьтйз комсомоллэн горкомезлэн секретарез Желемский эш.

— Али, вераз докладчик,—

600 комсомолец'ёс но комсомолын сылэсьтэм егит'ёс ужало агитатор'ёс луыса. 211 мурт быр'емын окружной но участковой избирательной коммиссиосы.

Доклад бере кутскизы прениос. Быр'ён'ёс азе умой дасяськон вылысь собрание ётйз социалистической соперование пырыськыны Аккерман городысь егит избирательёсты.

Советской Эстонилэн столицаз

Таллин. Эстонской ССР-лэн столицаз агитационно-массовой уж паськыт вёлме. Агитационной пункт'ёслэн кивалтйсьсёсылэн ортчиз нырысетй городской собранизы. Военно-Морской Флотлэн Домаз усьтэмын быр'ён'ёслы сйзем литератураен выставка.

Комсомоллэн Кекпинской районной комитетэз Сталинской Конституция ортчыт'я лекциос. Лекциосы ветло сюрмуртозь.

Балтийской бумагопрядильной фабрикаын Сталинской Конституциез но быр'ён'ёс сярэсь Положениез изучать карон кружоке ветло 40 мурт.

Производительностез бюджетон понна нюр'яськонын

СССР-лэн Верховной Советэзлэн Президиумезлэн 26 июне но 10 июле поттэм Указ'ёсыз сётйзы кужмо юрттэт ужан дисциплинаез юнматон понна продукцилэсь зечлыкэс умоятно но ужлэсь производительностьсэ жутон понна нюр'яськонын.

Та берло дыр'ёсы крахмальной заводын кужмояз воспитательной уж. Ужасьёс пöлын агитатор'ёс орчыт'яло беседаос, лыдэ газет'ёс. Дырыз дыр'я потэ бордгазет. Котыкуд номерын возматйсько стахановец'ёслэн амал'ёсы, шараясько тырмымтэос. Та уж'ёс вамен завод дась продукция сётон планзэ быдэстйз ни 113 процентлы.

Жутскиз ужанлэн производительностез. Будйзы нормаэс мултэсэн быдэ'яса ужасьёслэн лыдзы.

Тани терочной цехлэн бригадаезлэн бригадирез Бушков ас бригадаз паськыт массово-политической уж нуэ. Ужзэ умой рад'яны быгатйз. Соин ик солэн бригадаез нырысетй инты басытйз.

Комсомолец-машинист Глазырин аслэсьтыз теоритической тодонлыкэс, будэтыса партилэсь историзэ дышетскыса, газет'ёс лыдэса, производстволэсь теоризэ дышетскыса, ужаз синмаськымон азинскон'ёс басытйз. Со ас ужаз вань машинаослэсь юмме дыр'я дугдылытэк ужамзэс добитьса кариськыз. Мохов Ф., Степанов, Чайникова Е., Глазырина но мукет'ёсыз ужасьёс котыкуд нунал ужын нормаэс 125—130 процентлы быдэ'яло.

Кононов.

Слудка колхозын пудо вордон

Колхоз'ёсын общественной пудо вордон социалистической сельской хозяйстволэн основной отрасльсыз пблысь одйгеныз луэ. Соин ик партия но правительство общественной пудо вордонэз бюджетонлы нимысьтыз саклык вис'яло. СССР-лэн Совнаркомез мезлэсь но ВКП(б)-лэн Центральной Комитетэзлэсь „Колхоз'ёсын общественной пудо вордонэз бюджетон ужрад'ёс сярэсь“ но „Сельскохозяйственной продукц'ёсты дасян но басытлон политикаын вошт'ёскон'ёс сярэсь“ постановлениоссэс. Мальканской сельсоветэсь „Слудка“ колхозысь колхозник'ёс жуткем мылкыдын пумитазы но соосты уж вылын быдэ'яны кутскизы.

Татын пудо вордон бордын азымын'ёс колхозницаос ужа-ло. Соос кустын социалистической соревнование паськыт вблемеын. Соос али нюр'яско 1941 арын Всесоюзной сельскохозяйственной выставкаын участвовать карыны право басытон понна. Колхозын вань ни скал, парсь, ыж, тылобурдо но муш вордон фермаос.

Молочно-товарной фермаын ваньмыз 79 скал'ёс, соос пблысь ньылдонэз кысконо скал'ёс, куинь племенной ош'ёс, кылемез ветыл'ёс но туал куинь'ёс.

Ыж вордон фермаын 40 йыр ыж'ёс но парсь вордон фермаын 7 йыр парсьёс, тылобурдо вордон фермаын 70 курег'ёс лыд'ясько. Со сяна колхозлэн пасекаыз 38 уморто муш'ёсыз вань на.

Умой ужало дояркаос Соковнина Александра но Сырых Парасковья. Соос асьсэлэсь ужзэс ярато. Котыкуд фуражной скаллэсь быдэс ар чоже ог 1200 литра йбл кыско. Соос та вылын гинэ уг буйгатско, азыланьын 1500 литралэсь итыр йбл кыскыны

тыршо. Пудооссэс соос нуналлы быдэ щеткаен сузяло, прогулкае поттыло, коргидзэс тблато. Вань пудооссэс соос зоотехнической правилос'я утылато. Сион рацион'я сэт'яське. Сырых П. туэ 427,41 трудодень ужаз ни, нош Соковнина—472,27 трудодень.

Умой пунктэмын пинал пудоез, куинь'ёсты утылатон но. Соос но озы ик нуналмысь сузясько, тблат'ёсько. Фермаосын кыед нуналлы быдэ пот'яське, пудоослэн пыд улазы котыку чылкыт куро валиське. Куинь, ыжи, парсьпи ваёно скал'ёслы, ыж'ёслы но парсьёслы отдельной родильной помещение вис'ямын.

Пудоослы сион тырмыт дасямын. Акт'ёс'я фермаослы 2611 центнер пудо-сион сэтэмын. Сион план'я гинэ расходоваться кариське.

Али колхозын кык скалтэм колхозник'ёс вань на. Соослы ферма кык куиньзэ сётос.

Колхоз пудоез толйытон азелы умой дасяськиз. Фермаосын шунит но чылкыт. Пудоос татын толалтэ шунит вулы но уз ёрме. Фермаос вадьсын ик ву посетон корка лэсьтэмын. Татын ик сион'ёсты парить но каро.

Колхозлэн фермаосыз план'я тырмыт укомплектовать каремын ке но соослэн продуктивностьсы улын на. Колхозлэн правлениезлы пудолэсь продуктивностьсэ жутон понна кулэ луись ужрад'ёс кутано.

Вератэк кельтыны уг луы, что татын пинал пудоосты соос пблы висён вблемемиэс утылатон ляб пунктэмын на. Куинь'ёслэн ас понназы ведраоссы, тусьёссы бвбл на, сион сэрэн соос обшор тусьын сисько. Райпотребсоюз но сельпоос колхоз'ёслы вузаны понна тырмыт ведраос уг ваё.

В. Бурашев.

Пудо вордонэз паськытатонлы скулмаськон бвбл

Общественной пудолэсь лыздэ бюджетонлы нимысьтыз но бад'ым саклык вис'ямын луыны кулэ. Нош Б-Можгинской сельсоветэсь „Ува“ колхозын фермаос та дырозь тырмыт укомплектовать каремын бвбл на.

Колхозник'ёс но колхозницаос ог'я собраниен пудолэсь лыздэ план'я быдэстыны вылысь решение кутызы, нош колхозлэн председателэз

Романов эш сое уж вылын бз быдэсты на. Али но МТФ-ын 16 скал'ёс интые 14 сяна бвбл, 14 парсь басытэмын луыны кулэ, нош басытэмын 4 гинэ.

Верано луэ сое но, что та колхозын пудоослы шунит, чылкыт гид'ёс дасян быдэстымтэ. Пудоослы сион тырмыт дасямтэ. Ванез но фермалэн заведующеозлы актэн сэтэмын бвбл.

Тыбанов.

„Красная Армия“ колхозлэн (Киквидзенской район, Сталинградской область) 1940-41 арын бусыосын толалтэ 1400 гектар вылын, лымыез жегатон ортычэмын луоз.



Паллянысен бурпала: М. А. Гурин—1-ти полеводческой бригадалэн бригадирез, Б. М. Грушин—колхозлэн председателэз но Е. И. Жогова—звеньевой лымыез жегатон понна лэсьтэм щит'ёсты эскеро.

Фотоез А. Маклецовалэн.

ТАСС-лэн Фотоез.

Безхозяйственностез быдтоно

Районыстымы уноез колхоз'ёс гужем уж'ёсты дыраз но азинлыко йылпум'язы. Но сион чош ик верано луэ, что данакез колхоз'ёс сельхозинвентарез но машинаосты бусыосысь гурт'ёсы бз ваелэ, лымы улэ кельт'язы. Кылсярысь, Чурилово колхозлэн аран машинаез но усыосыз али ке но бусыын на. Шат

со уг возматы колхозлэн председателэзлэсь Татауров эшлэсь безхозяйственностэс? Таце ик уж Водзимонье колхозын но. Жыныез сямен уборочной машинаос но инвентарь лымы улын на.

Уборочной машинаос но сельхозинвентарь та матысь нунал'ёсы кулэ луись порядоке пунктэмын луыны кулэ.

Е. Лизов.

Клублэсь ужзэ аналт'язы

Водзимонье колхозлэн клубаз заведующеоз чэм дыр'я вош'яське. Клубез тупат'ян но кулэ луись т'ирлык'ёсын оборудовать карон интые, заведующеоз клублэсь имуществоз ыштыл'язы, кружок'ёслэсь ужзэс куашкат'язы.

Клубын буш борддор'ёс сяна номыр бвбл, портрет'ёс кесяськемын. Сцена но складлы пбрмытэмын, занавесэз бвбл ни.

Та колхозын первичной партийной но комсомольской организацииос вань, нош соос клублэн уженыз интересовать

ся уг каро но сион уг кивалто. Колхозлэн председателэз но клубез колхозник'ёслы культурно шутэтскон центре пбрмытыны уг тыршы. Сион ик, юнме бвбл, клуб куашкан калэ вуттэмын.

Колхозник'ёслэн но егит'ёслэн культура ласянь кулэ-яськон'ёссы будэ. Соослэн музыкаез кылзэмзы, художественной литератураез лыздэ-земзы, постановкаосты учкемзы потэ. Сион ик та клублэсь ужзэ вакчи дыр кустын оживить карэно.

К-ва.

Мойюосты уг дышето

Б-Докьинской сельсоветэсь „Новая деревня“ колхозын 40 мурт чик гожтэт тод'ясьтэм'ёс лыд'ясько, нош соосты дышетон урод пунктэмын. Али ке но соосты дышетыны культурмеец вис'ямын бвбл на. Сельсоветлэн кивалт'ясьсыз неграмотнойёсты но малограмотнойёсты дышетонлы

саклыкэс тырмыт уг вис'яло. Туж бжит скулмасько соосты дышетон понна Четкерской начальной но Г-Пудгинской неполной средней школаосысь дышет'ясьёс но. Та ужез РОНО тодэ ке но практической юрттэт сётон вылысь уг скулмасько.

Калинин.

Отв. редактор Е. Корепанова.